

Minister President Mike Eman riba MFA Noord

“Nos ta hopi contento cu e proyecto a drenta fase caminda construccion y fundeshi ta den full swing”

ORANJESTAD – “Awe nos a dal otro paso mas pa yega mas cerca di realisacion di e centro di gobernacion nobo cu ta bay tin na Noord,” tabata e palabranan di Prome Minister Mike Eman dialuna mainta pa devela e borchin sitio di construccion di e facilidad multifuncional na Noord. E mandatario a pone enfasis cu mientras cu Gabi-

nete Mike Eman II ta sigui di cerca e desaroyo di e proyecto, ta haya cu ta beneficoso pa pueblo tambe ta na altura di con esaki ta canando.

“Pa nos ta hopi importante pa ilustra den cada fase di e proyecto aki su realisacion paso e trabounan no ta encera solamente un edificio, pero den dje ta bin un cantidad di organisacion di

aspecto social, comunitario cu ta bay haya oportunidad hunto cu e Hulpbestuurskantoor di Noord, pa duna un miho servicio na nos comunidad,” Eman a bisa. E ta convenci cu poniendo comunidad na altura di realisacion di e proyecto den cada fase, ta crea un entusiasmo y envolvimento di e bario.

E Facilidad Multifuncional ta bay ofrece ademas di servicionan regular di e Hulpbestuurskantoor, tambe “facilidad di recreo, reunion y aspectonan cu ta bay engrandece e cohesion social den nos comunidad. Nos ta hopi contento cu e proyecto aki a drenta e fase caminda construccion y e fundeshi ta den full swing,” Eman a comenta. E edificio ta maneha pa habitantenan di e propio bario, algo cu ta ripiti den e districtonan di Paradera, Santa Cruz, Savaneta y San Nicolas. Den caso di Noord, e gerente ta Richard Tromp asisti pa Chris Figaroa.

Eman a splica na e medianan presente cu e siguiente MFA cu ya ta den fase di

destaho publico ta esun di Paradera. “Despues di Paradera ta bin esun di Savaneta, despues esun di Santa Cruz y despues di Santa Cruz, esun di San Nicolas. Pa fin di otro aña tur e edificacionan aki ta cla pa brinda servicio optimal na e ciudadanonan,” segun e mandatario. Eman a gradici tur envolvi den e proyecto cu ta traha duro pa esaki cana manera mes-ter ta.

Entre nan a yama danki na Minister di Infraestructura, Benny Sevinger y su ekipo di InfraTeam, na arkitecto



Orlando Hoevertsz, Rene ten Thije di Bohama Aruba N.V. y Management Team di MFA, consistiendo di entre otro Anky Vrolijk y Omar Harms. □